

Image not found

Lirica Medievale Romanza/sites/all/themes/business/logo.png

Published on *Lirica Medievale Romanza* (<https://letteraturaeuropea.let.uniroma1.it>)

Home > BERNART DE VENTADORN > EDIZIONE > Estat ai com om esperdutz > Tradizione manoscritta > CANZONIERE C > Edizione diplomatica

Edizione diplomatica

Bernat de uentedorn.


Estat ai cum homs esper-
dutz. per amor en lonc
estatge. mas eram sui
reconogutz. quieu auia
fait follatge. qua totz era de sal-
uatge. quar mera de chan recre-
zutz. e cum ieu plus estera mutz.
pl(us) feira de mon dampnatge.

A tal domna mera rendutz. q(ua)nc
nom amet de coratge. e sui me
tart aperceubutz. que trop ai
fait lonc badatge. mas ieu segrai
son uzatge. de cui quem uelha
serai drutz. e trametra per tot sa
lutz. et aurai mais cor uolatge.

Truans uuelh esser per samor.
e coue quab lieys aprenda. pero
non uei domneiador. qui miels
de mi si entenda. mas bel mes q(ua)b
lieys contendta. qualtra nam plus
belle melhor. q(ui)m ual e ma iudem
socor. em fai de samor esmenda.

Aquesta ma fait tan donor. que
platz li qua mercem prenda. e p(re)c
la del sieu amador. quel ben que(m)
fara nom uenda. nim fassa far
longua tenda. que lonc termini
fai paor. q(ui)eu no uei maluatz do-
nador. quab lonc respieit nos de-
fenda.

Ma dominam fon al co-
mensar. franche de belha compa-
nhia. per so la dei ieu mais amar.
que sim fos fer et estranya. q(ue) dregz
es que domnas franha. ues selui
quia cor damador. qui trop fai so(n)



56_btv1b8419246t_168%20-%20Copia.jpeg
amic preyar. dreigz es que mér-
ces li sofranca.

Domna pensem de lenginhar.
lauzengiers cui dieus contranha.
que tan cum hom lor por emblar.
de ioi aitan se gazanha. e que
ia us non sen planha. lonc te(m)ps
pot nostra mor(s) durar. sol quant
luecs er uulham parlar. e quan
luecs non er remanha.

Dieu lau quera sai ieu chantar.
malgratz naya na dols esgar. e
selh ab cui sa companha. quar ieu
ges nous puest o blidar. ans uos
ain eus uuelh eus tenh car. quar
metz de belha companha.

- letto 398 volte